



Broj: JN1-03-16-8-20-12/18  
Sarajevo, 25.9.2018. godine

Na osnovu člana 64. stav (1) tačka b) i člana 89. Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: JN1-03-16-8-20-11/18 od 25.9.2018. u postupku javne nabavke namještaja za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

## ODLUKU O IZBORU NAJPOVOLJNIJEG PONUDAČA

### I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-8-20-11/18 od 25.9.2018. godine i Ugovor za nabavku namještaja za potrebe Parlamentarne skupštine Bosne i Hercegovine, dodjeljuje se izabranom ponuđaču R&S d.o.o. Sarajevo, Igmanska bb, 71320 Vogošća, ID broj: 4200056290005 za ponuđenu cijenu 33.897,65 KM sa uračunatim PDV-om.

### II.

Izabrani ponuđač je dužan dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnije ponude, a prema tački 3. podtačka 3.8. Konkurentskog zahtjeva za dostavu ponuda za nabavku namještaja broj: JN1-03-16-8-20-5/18 od 28.8.2018. godine (u daljem tekstu: tenderska dokumentacija).

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljiv dokaz, Odluka o izboru najpovoljnijeg ponuđača će se poništiti.

### III.

Prijedlog Ugovora o nabavci dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnije ponude, pod uslovom da žalba nije uložena i nakon pribavljenog mišljenja Pravobranilaštva Bosne i Hercegovine na nacrt ugovora.

### IV.

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### V.

Ova Odluka stupa na snagu danom donošenja i dostavlja se svim ponuđačima koji su učestvovali u postupu javne nabavke, shodno članu 71. stav (2) Zakona o javnim nabavkama.

## O b r a z l o Ź e n j e

Postupak javne nabavke pokrenut je Odlukom o nabavci namještaja za potrebe Parlamentarne skupštine Bosne i Hercegovine broj: : JN1-03-16-8-20/18 od 16.7.2018. godine.

Javna nabavke provedena je putem Konkurentskog zahtjeva za dostavu ponuda.

Procijenjena vrijednost javne nabavke je 33.900,00 KM sa uračunatim PDV-om.

Obavještenje o nabavci broj: 166-7-1-18-3-25/18 je objavljeno 28.8.2018.godine na Portalu javnih nabavki.

Komisija za javne nabavke imenovana je Odlukom Kolegija Sekretarijata broj: JN1-03-16-8-20-1/18 od 16.7.2018.godine.

U ostavljenom krajnjem roku, za dostavljanje ponuda pristigle su dvije ponude i to od strane sljedećih ponuđača:

1. R&S d.o.o. Sarajevo
2. Kraning d.o.o. Puračić

Komisija za javne nabavke je izvršila javno otvaranje ponuda i evaluaciju istih o čemu je sastavljen Zapisnik o pregledu i ocjeni ponuda, broj: N1-03-16-8-20-11/18 od 25.9.2018.godine.

Uvidom u priloženu dokumentaciju i suštinskom provjerom sadržaja i validnosti dostavljenih ponuda, Komisija je utvrdila da je prihvatljiva ponuda ponuđača R&S d.o.o. Sarajevo jer je dostavljena u skladu sa formalno-pravnim, ekonomskim i tehničkim uslovima koji su traženi u Tenderskoj dokumentaciji broj: JN1-03-16-8-20-5/18 od 28.8.2018.godine, dok je ponuda Kraning d.o.o. Puračić ocijenjena kao neprihvatljiva za Ugovorni organ iz sljedećih razloga:

- a) U Aneks-u 2. Obrazac za cijenu ponude, u koloni 3. Konferencijska stolica, Ugovorni organ je zahtijevao da ponuđena stolica ima: „sjedište tapacirano obostrano, struktura izrađena od **kompozitnog iverala, materijal prirodna koža bež boja**“. Ponuđač Kraning d.o.o. Puračić je ponudio radnu stolicu ASTRA 97/RG koja ne ispunjava naprijed navedene karakteristike tražene tenderskom dokumentacijom. U dostavljenoj specifikaciji materijala za radnu stolicu Astra 97/RG navedeno je sljedeće:

„SJEDIŠTE INASLON:

- **plastično sjedište sa plastičnom maskom...**“

TAPACIRUNG:

- sjedište: poliuretan tapaciran **mikrofiberom, štoфом ili eko-kožom**
- naslon: poliuretan tapaciran **mikrofiberom, štoфом ili eko-kožom**
- naslon za glavu: poliuretan tapaciran **mikrofiberom, štoфом ili eko-kožo**

Isto tako, u dostavljenom Izvještaju o kontrolisanju Br.851.04.14 navedeno je sljedeće:

„**MATERIJAL:..naslon i sjedište plastika, ...mikrofiber, mebl štof, eko koža**“.

Dakle, ponuđena stolica ima plastično sjedište a ne strukturu izrađenu od kompozitnog iverala i tapacirung mikrofiberom, štoфом ili eko-kožom a ne prirodna koža kako je Ugovorni organ striktno zahtijevao.

- b) U Aneks-u 2. Obrazac za cijenu ponude, u koloni 3. Konferencijska stolica, Ugovorni organ je zahtijevao da ponuđena stolica ima: „Mekani tapacirani naslon za glavu integrisan u naslonu sjedala **sa otvorom za provjetranje**“. Ponuđač Kraning d.o.o. Puračić je ponudio radnu stolicu ASTRA 97/RG koja ne ispunjava naprijed navedene karakteristike tražene tenderskom dokumentacijom. U dostavljenoj specifikaciji materijala za radnu stolicu Astra 97/RG navedeno je sljedeće:

„SJEDIŠTE INASLON:

... - **izliveni poliuretanski naslon za glavu.**“

Dakle, ponuđena stolica u naslonu za glavu nema otvor za provjetranje kao je to Ugovorni organ zahtijevao.

- c) U Aneks-u 2. Obrazac za cijenu ponude, u koloni 3. Konferencijska stolica, Ugovorni organ je zahtijevao da ponuđena stolica ima: „Fiksni naslon za ruke, čelični okvir s **tapaciranim jastučićima**“. Ponuđač Kraning d.o.o. Puračić je ponudio radnu stolicu ASTRA 97/RG

koja ne ispunjava naprijed navedene karakteristike tražene tenderskom dokumentacijom. U dostavljenoj specifikaciji materijala za radnu stolicu Astra 97/RG navedeno je slijedeće :

„SJEDIŠTE INASLON :

- **hrom/PVC rukonasloni...**“

Isto tako, u dostavljenom Izvještaju o kontrolisanju Br.851.04.14 navedeno je slijedeće:

„**MATERIJAL:..rukonasloni matal/plastika.**“

Dakle, ponuđena stolica ima rukonaslone izrađene od metala (hrom) i plastika, a ne čelični okvir s tapaciranim jastučićima kao je to Ugovorni organ zahtijevao.

Obzirom da je samo jedna ponuda prihvatljiva za Ugovorni organ, neće se zakazivati E-aukcija u skladu sa članom 3. Stav (3) Pravilnika o uslovima i načinu korištenja E-aukcije (“Službeni glasnik BiH”, broj 66/16).

Polazeći od naprijed navedenog, Komisija nije imala potrebu za vrednovanjem i rangiranjem ponuda po kriteriju „Najniža cijena“ i prema rezultatima E-aukcije, obzirom da je jedna prihvatljiva ponuda, te je Komisija konstatovala slijedeće:

Najpovoljniji ponuđač	Ukupna cijena ponude za nabavku namještaja sa PDV-om
R&S d.o.o. Sarajevo	33.897,65 KM

Naziv ponuđača čija je ponuda ocjenjena kao najpovoljnija i sa kojim ugovorni organ namjerava zaključiti ugovor o javnoj nabavci namještaja:

**R&S d.o.o. Sarajevo, Igmanska bb , 71320 Vogošča, ID broj: 4200056290005.**

Kolegij Sekretarijata Parlamentarne skupštine Bosne i Hercegovine je prihvatio je preporuku Komisije za javne nabavke iz Zapisnika o pregledu i ocjeni ponuda broj: N1-03-16-8-20-11/18 od 25.9.2018.godine i Ugovor za nabavku namještaja za potrebe Parlamentarne skupštine Bosne i Hercegovine, dodjeljuje izabranom ponuđaču R&S d.o.o. Sarajevo, Igmanska bb , 71320 Vogošča, ID broj: 4200056290005 za ponuđenu cijenu 33.897,65 KM sa uračunatim PDV-om.

Na osnovu naprijed navedenog odluka je donesena je kao u dispozitivu.

#### **Pravna pouka:**

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

1. KRANING d.o.o. Puračić, Sarajevska 1/a, 75305 Puračić
2. R&S d.o.o. Sarajevo, Igmanska bb, 71320 Vogošča
3. Sektoru za finansije
4. a/a

**KOLEGIJ SEKRETARIJATA:**

**Kenan Vehabović** \_\_\_\_\_

**Bojan Ninković** \_\_\_\_\_

**Marin Vukoja** \_\_\_\_\_